

## NASIHAT CUACA

Nasihat Cuaca dikeluarkan sebagai panduan & nasihat untuk orang ramai & agensi-agensi berkenaan mengenai kemungkinan berlakunya keadaan cuaca aktif & tidak menentu yang boleh berterusan selama beberapa hari.

Sebagai contoh, Nasihat Cuaca akan dikeluarkan jika cuaca seperti sistem ribut tropika atau taufan dikesan membentuk di rantau kita & berpotensi untuk menjejaskan Negara Brunei Darussalam (NBD).

Setelah Nasihat Cuaca dikeluarkan, BDMD akan terus memantau perkembangan keadaan cuaca berkenaan dan mengemaskini maklumat kepada orang ramai. Oleh yang demikian, orang ramai dan juga agensi-agensi berkenaan perlulah mengikut ramalan dan maklumat cuaca terkini yang dikeluarkan oleh BDMD.

## MEMAHAMI NASIHAT CUACA DAN AMARAN CUACA

Nasihat Cuaca akan dikeluarkan apabila keadaan cuaca aktif/ekstrim dijangka berpotensi menjejaskan NBD di dalam tempoh masa tertentu.

Apabila potensi kejadian cuaca aktif/ekstrim meningkat dan dijangka akan memberi kesan dan risiko bencana kepada NBD, maka Kod Amaran Cuaca Berwarna akan dikeluarkan dengan segera.

Amaran Cuaca Berwarna hanya akan dikeluarkan apabila ada keyakinan yang tinggi bahawa cuaca aktif/ekstrim akan berlaku dan boleh menyebabkan risiko bencana.

Sebarang Amaran Cuaca yang dikeluarkan oleh BDMD boleh dinaik taraf dari segi peringkat warna iaitu apabila intensiti cuaca dijangka meningkat atau apabila cuaca aktif/ekstrim dijangka berterusan dan boleh memberi kesan bencana yang lebih besar.

Tempoh Amaran Cuaca juga boleh dipanjangkan apabila keadaan cuaca aktif/ekstrim dijangka akan berterusan.

Amaran Cuaca juga boleh diturun taraf dari segi peringkat warna atau dihentikan sama sekali sekiranya keadaan cuaca dijangka beransur menjadi reda dan baik.

# Dimanakah Amaran Cuaca & Nasihat Cuaca Dapat Diperolehi?



BruneiWX and MW Crowd  
Muat Turun dari  



[www.met.gov.bn](http://www.met.gov.bn)



[www.facebook.com/bruneiweather](https://www.facebook.com/bruneiweather)




@bruneiweather



Dari Rangkaian Televisyen & Radio  
Tempatan Brunei

Orang ramai adalah sangat digalakkan untuk sentiasa mengemaskini maklumat cuaca dengan mengakses pelbagai rangkaian platform yang dinyatakan di atas.

جاين كاجي چواچا بروني دارالسلام



**BDMD**

Brunei Darussalam  
Meteorological  
Department

BERWASPADA

BERSEDIA

BERTINDAK

**PANDUAN AWDA BAGI  
KOD AMARAN CUACA  
BERWARNA &  
NASIHAT CUACA**

# PERINGKAT KUNING : BERWASPADA

## KESAN YANG BOLEH BERLAKU\*\*

- 1  Banjir kilat boleh berlaku terutama di kawasan rendah & berdekatan tebing sungai.
- 2  Hujan lebat boleh mengurangkan jarak penglihatan.
- 3  Jalan raya menjadi licin & terdapat takungan air.
- 4  Risiko sambaran petir.
- 5  Dahan-dahan pokok yang bersaiz besar boleh bergoyang akibat tiupan angin.

# PERINGKAT JINGGA : BERSEDIA

## KESAN YANG BOLEH BERLAKU\*\*

\* Termasuk Kesan Yang Boleh Berlaku 1-4 dari Peringkat Kuning

- 1  Dahan-dahan pokok yang bersaiz besar boleh patah akibat tiupan angin yang kuat.
- 2  Gangguan bekalan elektrik boleh berlaku di kawasan-kawasan terjejas.
- 3  Papan tanda yang tidak teguh binaannya boleh tumbang.
- 4  Kejadian tanah susur boleh berlaku.
- 5  Kerosakan kecil boleh berlaku pada struktur rumah atau bangunan berpunca dari banjir, tanah susur atau akibat tiupan angin yang kuat.

## NASIHAT

\* Termasuk Nasihat 3-7 dari Peringkat Kuning

- 1 **BERSEDIA** & ambil langkah berjaga-jaga. Pastikan terus mengikuti maklumat cuaca terkini.
- 2 **BERSEDIA** kerana aktiviti harian awda boleh terjejas.
- 3 **BERSEDIA** untuk melindungi diri, keluarga dan harta benda.
- 4 Jika keadaan cuaca tidak mengizinkan untuk terus memandu, dinasihatkan untuk berhenti di lokasi yang selamat & berjauhan dari pokok-pokok. Nyalakan lampu kecemasan kenderaan sebagai isyarat bagi para pemandu yang lain.
- 5 Jika awda menetap di kawasan yang sering kali mengalami banjir, awda dinasihatkan untuk memindahkan benda-benda berharga termasuk kenderaan ke tempat yang lebih selamat.

## NASIHAT

- 1 **BERWASPADA** & sentiasa mengikuti maklumat cuaca terkini.
- 2 **BERWASPADA** apabila dalam perjalanan atau melakukan aktiviti luar.
- 3 Para pemandu disarankan untuk berhati-hati & mematuhi had laju.
- 4 Berhati-hati dengan serpihan yang berkemungkinan berterbangan disebabkan tiupan angin.
- 5 Awasi kanak-kanak & jangan biarkan mereka bermain air banjir atau berdekatan sungai & longkang besar.
- 6 Matikan semua peralatan elektronik, seperti komputer & televisyen, kerana ia boleh rosak akibat disambar petir.
- 7 Apabila berada di luar rumah, carilah tempat berlindung sementara semasa ribut petir berlaku. Elakkan dari berada di kawasan terbuka, kawasan tinggi, di bawah pokok atau di dalam khemah.

# PERINGKAT MERAH : BERTINDAK

## KESAN YANG BOLEH BERLAKU\*\*

\* Termasuk Kesan Yang Boleh Berlaku 2-4 dari Peringkat Kuning & Kesan Yang Boleh Berlaku 2-3 dari Peringkat Jingga

- 1  Banjir meluas boleh berlaku khususnya di kawasan rendah & berdekatan sungai.
- 2  Pokok yang bersaiz besar boleh patah atau tumbang akibat tiupan angin yang kuat.
- 3  Risiko kejadian tanah susur adalah tinggi semasa hujan lebat berterusan.
- 4  Aktiviti-aktiviti luar (termasuk aktiviti laut) adalah tidak selamat.
- 5  Kerosakan besar boleh berlaku pada struktur rumah atau bangunan berpunca dari banjir, tanah susur atau akibat tiupan angin yang kuat.

## NASIHAT

\* Termasuk Nasihat 4-7 dari Peringkat Kuning & Nasihat 5 dari Peringkat Jingga

- 1 **BERTINDAK** segera kerana gangguan serius boleh menjejaskan aktiviti harian awda.
- 2 **BERTINDAK** segera untuk melindungi diri, keluarga & harta benda.
- 3 Pastikan terus mengikuti maklumat cuaca terkini & patuhi segala arahan yang dikeluarkan oleh pihak berkuasa dalam apa jua keadaan demi kebaikan bersama.
- 4 Para pemandu disarankan untuk berhati-hati & mematuhi had laju. Gunakan laluan alternatif sekiranya laluan utama dibanjiri. Jangan cuba untuk meredah jalan raya yang ditenggelami oleh banjir.
- 5 Ketika cuaca bertambah buruk, bertenang & berlindung di dalam rumah. Elakkan dari membuat sebarang aktiviti luar. Sekiranya memerlukan bantuan kecemasan, hubungi hotline kecemasan & beri keterangan dengan lengkap & betul.

# KOD AMARAN CUACA BERWARNA

BDMD menggunakan Kod Amaran Cuaca Berwarna untuk memberi amaran awal kepada orang ramai dan agensi-agensi berkenaan mengenai keadaan cuaca aktif/ekstrim yang berpotensi untuk mengakibatkan kerosakan harta benda dan memberi gangguan serius kepada aktiviti harian orang awam.

## PERINGKAT MERAH

Risiko Tinggi

Cuaca ekstrim yang berpotensi untuk mengakibatkan gangguan serius kepada aktiviti harian dan kerosakan harta benda...

## PERINGKAT JINGGA

Risiko Sederhana

### Apakah makna warna tersebut?

Keterangan ringkas bagi setiap Peringkat Kod Amaran Cuaca Berwarna

Cuaca aktif/ekstrim berpotensi untuk berterusan atau meningkat... boleh menjejaskan aktiviti harian... dan kerosakan harta benda...

## PERINGKAT KUNING

Risiko Rendah

Cuaca aktif/ekstrim diramalkan berlaku... dengan risiko yang rendah...

Amaran untuk cuaca hujan, berangin dan berpetir akan dikeluarkan mengikut kategori kod warna tertentu yang tertakluk kepada tahap intensiti cuaca aktif/ekstrim yang dijangka akan berlaku serta kesan bencana yang boleh berlaku disebabkan oleh kejadian cuaca aktif/ekstrim tersebut.

### Apakah yang perlu awda lakukan semasa cuaca aktif/ekstrim?

Awda perlu mengetahui risiko dan kesan bencana yang boleh berlaku, serta langkah-langkah yang perlu diambil.

\*\*Kesan yang boleh berlaku: adalah tertakluk kepada keadaan persekitaran sejak beberapa jam atau hari yang lalu. Jika keadaan persekitaran sebelumnya adalah kering, maka cuaca bagi Peringkat Kuning dijangka tidak akan mengakibatkan banjir kilat yang teruk. Jenis atau keadaan semulajadi persekitaran di mana hujan lebat berlaku juga perlu diambil kira. Sumber Rujukan: Brunei NDMC Basic Handbook for Emergency and Public Safety; UK Met Office; Beaufort wind scale.